

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 2/05), na sjednici Državne regulatorne komisije za električnu energiju održanoj 3. marta 2016. godine, donijeta je

## ODLUKA

### O ODOBRAVANJU PLANA INVESTICIJA ZA 2016. GODINU

1. Odobrava se Plan investicija Elektroprijenosa Bosne i Hercegovine a.d. Banja Luka za 2016. godinu, bez pozicije A-II-1-1 koja se odnosi na izgradnju TS Stanari.  
Vrijednost ukupno odobrenih ulaganja iznosi 276.789.416 KM.
2. Plan investicija sadrži strukturu i dinamiku realizacije planiranih investicija, sa izvorima finansiranja.  
Vrijednost pojedinačnih investicija i jedinične cijene opreme i radova nisu predmet razmatranja DERK-a.
3. Plan investicija realizirat će se na transparentan način, prema procedurama propisanim Zakonom o javnim nabavkama.
4. DERK će pratiti realizaciju Plana investicija, u skladu sa svojim ovlaštenjima.
5. Ova odluka stupa na snagu danom donošenja i objavljuje se u “Službenom glasniku BiH”, službenim glasilima entiteta i Brčko Distrikta BiH.

### Obrazloženje

Elektroprijenos Bosne i Hercegovine usvojio je Plan investicija za 2016. godinu (u daljnjem tekstu: Plan investicija) odlukom Upravnog odbora Kompanije broj: 2-UO-04/2016 od 29. januara 2016. godine.

U okvir za izradu plana uz potpuno uvažavanje tehničkih i ekonomskih kriterija planiranja uključene su i odluke i zaključci Uprave i Upravnog odbora Kompanije, te Skupštine akcionara/dioničara, čime su ustanovljeni kriteriji i odnosi u samoj strukturi investiranja. Prilikom izrade Plana investicija korišten je Plan investicija za period 2015. – 2017. godina, kao i Dugoročni plan razvoja prijenosne mreže za period 2015. – 2024. godina, odobren Odlukom DERK-a broj: 05-28-16-068-3/16 od 3. marta 2016. godine.

Plan investicija je pripremljen u funkciji realizacije elektroenergetskog bilansa na godišnjem nivou, primjenjujući standardne kriterije bezbjednosti.

Plan uključuje aktivnosti na rješavanju krutih tačaka u sistemu, sanaciju i stavljanje u pogon objekata prijenosne mreže koji nisu u funkciji, kompletiranje 110 kV dalekovodnih polja, te zamjenu energetske i mrežnih transformatora po definiranim kriterijima.

Primjenjujući standardni (*n-1*) kriterij bezbjednosti elektroenergetskog sistema, Plan investicija uključuje neophodna pojačanja sistema i uvažava zahtjeve iz procesa eksploatacije i održavanja, kao i definiranog životnog vijeka opreme. Plan dinamički definira realizaciju aktivnosti u najkraćem mogućem roku, u okviru raspoloživih sredstava i realnih ograničenja u velikom broju paralelnih investicija.

Osnovni kriterij planiranja razvoja prijenosne mreže u elektroenergetskom sistemu BiH je minimizacija ukupnih (investicijskih i eksploatacijskih) troškova uz zadovoljenje zahtjeva bezbjednosti sistema.

Prilikom razmatranja Plana investicija za 2016. godinu, a zbog nedostatka podataka, DERK nije uzeo u obzir poziciju A-II-1-11 koja se odnosi na izgradnju TS Stanari. Shodno tome, pozicija A-II-1-11 u iznosu od 6.000.000 KM nije odobrena ovom odlukom.

Pored investicija u energetske opreme, za potrebe funkcioniranja Kompanije predviđa se realizacija poslovno-informacijskog sistema, jedinstvenog telekomunikacijskog sistema i sistema za upravljanje dokumentima (*DMS – Document management system*), sistema za korištenje digitalnog potpisa, te rekonstrukcija i opremanje poslovnih zgrada, nabavka neophodne opreme, vozila, alata i dr.

Vrijednost ukupnih ulaganja prema dostavljenom Planu investicija za 2016. godinu iznosi 282.789.416 KM, od čega ukupna vlastita žiralna sredstva iznose 271.229.477 KM, vlastiti rad 5.265.523 KM, ranije obezbijedena oprema i materijal 4.887.416 KM te naknada za priključak odnosno njen varijabilni dio u iznosu od 1.407.000 KM. Ukupna vlastita žiralna sredstva u 2016. godini obuhvataju prenesena sredstva po Planu investicija za 2015. godinu u iznosu od 242.360.524 KM od čega su ugovorena sredstva 68.523.466 KM, sredstva za investicijske projekte kod kojih su procedure nabavki u toku u iznosu od 56.400.000 KM, sredstva za investicijske projekte kod kojih su procedure nabavki u pripremi 7.917.908 KM i neugovorena sredstva raspoloživa za ugovaranje u iznosu od 109.519.150 KM. Žiralna sredstva na bazi slobodne amortizacije za 2016. godinu iznose 28.868.953 KM.

Sredstva raspoloživa za ulaganje u 2016. godini iznose 138.388.103 KM.

Državna regulatorna komisija za električnu energiju nije razmatrala vrijednost pojedinačnih investicija niti jedinične cijene opreme i radova koje Plan uključuje, jer očekuje njegovu transparentnu realizaciju, prema procedurama propisanim Zakonom o javnim nabavkama. DERK će pratiti realizaciju Plana investicija, u skladu sa svojim ovlaštenjima.

Broj: 05-28-16-75-2/16

3. marta 2016. godine

Tuzla

Predsjedavajući Komisije

Milorad Tuševljak